



UNIVERSITÄTS-  
BIBLIOTHEK  
PADERBORN

## **Mariae Virginis Sacratiss. Miraculorum Libri Tres**

**Vismara, Ercole**

**Mediolani, 1579**

Mirac. Virg. XXXIII. Lictorem aeternae uitae compotem facit mater misericordiae, licèt illi perpetuae mortis periculum immineret.

---

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

## MIRAC. VIRG. XXXIII.

*Lictorem aeternae uitae compotem facit mater misericordiae; licet illi perpetuae mortis periculum immineret.*

**L**ictor, qui saepe carnificis uices gerere consueuerat, cum ante Virginis imaginem pertransibat, illam semper summa impertiebat salute. Dum ante eius pedes deuolutus, ipsam supplex precaretur; interim ei praetoris nuncius iussit, ut statim ad damnatum necandum se conferret. Illinc ipse discedens ab inimicis occisus est. Consueuerat forte pius quidam sacerdos noctu singula urbis templa pietatis, & religionis caussa adire. eo tempore illud Virginis delubrum petens, quod lictor adiuerat, ibi multos homines comperit, qui prius uita functi erant. Ex illis compluribus hic dum uiuerent, nouerat. Is cupiebat scire, cur tanta illuc multitudo confluxisset, qui ab uno ex illis de ea re certior factus est. Dicebat. n. ille occisi lictoris animam, uti sibi addictam a cacodaemonibus peti, contra uero eandem a Dei matre, uti iuri suo addictam repeti: ideoque in illo loco una tantum hominum numerum conuenisse, ut Christum illic iudicaturum uiderent. Sacerdos ille uidendi, & audiendi iudicis desiderio accensus est; & illic in angusto, ac remoto loco se abdidit, clanculum obseruaturus, quidnam fieret. Tribunal autem uidit, quod Christus conscenderat, apud quem confederat Virgo. Aduenere deinde impij, lictorem catenis reuinctum ducentes, cuius animam ad se attinere, miris modis probare ni-

T teban-



tebatur. Sed Virgo cui, dū occisus est, se cōmiserat licitor, eū dignū esse, cui Christus placaretur testata est. Dulcissimae parenti omnino morem gerere decreuit filius iudex; ea tamen lege, ne iniuste cum aduersariis actum dici posset. Interim animā ad licitoris corpus redire iussit, ut illuc laetū iret peccata: censuitq. uti a summo Pontifice publica precatio pro istius salute institueretur. Virgo ipsa, illic latentem sacerdotē accersuit, illiq. edixit, ut de filij sui uoluntate in ea re Pontificem certiozem faceret. Quinetiam Sacerdoti tam eximiae pulchritudinis rosa relicta est; ut ea uisa, statim illius uerbis maximus Pontifex fidem adhibuerit, qui nihil moratus, quod Christi uerbis fuerat iussum, re ipsa praestitit.

MIRAC. VIRG. XXXV.

*Opem latroni misericordiae mater affert; qui postea ualde poenitens è uita excessit.*

**F** Amosus latro, qui nihil unquam boni in longa aetate gesserat, diuino afflatu adductus, die Virgini dicato, semel tantum ieiunauit, & rem diuinam ad eiusdem Virginis memoriam, semel faciendā curauit; ut ab ipsa misericorde ante mortem respiciendi facultas daretur. Eius uotis annuens ipsa, aper tissimis signis indicauit, à filio impetratum fuisse, ut ante quā mortem latro obiret, quinq. uerba posset effari, quib. omnis peccatorū macula elueretur. Paucis post dieb. ille in carcerem compactus, mortis supplicio damnatus est. Dum ad suspendium deducere-

tur,